



## **Aningaasanut Nunanullu Allanut Naalakkersuisoq**

### **HASTER**

#### **Aningaasaqarnermut Ataatsimiititaliap suliaq nr. 01.31.06/07-00240 pillugu tallimanngornermi ulloq 11. maj 2007-imi aalajangiinera pillugu Naalakkersuisunut ilisimatitsineq.**

(Naalakkersuisut ulloq 26. april 2007-imi ataatsimiinneranni imm. 2d)

#### **Kangerlussuarmi inissiisarfiugallartumik pilersitsinissaq**

Naalakkersuisut **inassutigaa,**

Kangerlussuarmi illu B-663 pillugu attartorneqarnera pillugu Pinerluuteqarsimasunik Isumaginnittoqarfiup Pisortaqarfimmik Ilaqutariinnermut Pisortaqarfiup isumaqatigiissusiorsinnaanera akuerineqassasoq.

#### **Aningaasaqarnermut Ataatsimiititaliap oqaaseqaatai**

Kangerlussuarmi inissiisarfiugallartumik pilersitsinissaq siunertaralugu Ilaqutariinnermut Pisortaqarfiup attartornermik isumaqatigiissusiornissaata Aningaasaqarnermut Ataatsimiititaliamit akuerineqarnissaa Naalakkersuisut suliami matumani qinnutigaat.

Inissiisarfiugallartoq 60-inut inissaqassaaq, tassani pineqaatissinneqarsimasut qaammatit sisamat pallillugit pillaatisiainnik paarnaarunneqarnissaminut utaqquisut pillaatisiainnut paarnaarunneqartassallutik. Pinerluuteqarsimasunik Isumaginnittoqarfik 2007-ip sinnerani inissiisarfimmik ingerlatsinissamut aningaasaliiffigineqarpoq. Tamatuma kingorna illup siunertanut allanut atorineqarnissaa naatsorsuutigineqarluni.

Sumiiffimmi illoqarfiup ilaanut pilersaarut inaarutaasumik suli inissinneqarsimanngitsoq Aningaasaqarnermut Ataatsimiititaliap maluginiarpa. Kommunilli piffissap sivilisunngitsup iluani suliaq tamanna naammassiniaraa Ataatsimiititaliap maluginiarpa. Tamatuma kingorna Avatangiisinut Pinngortitamullu Pisortaqarfimmi Nunamut tamarmut Immikkoortortap sumiiffimmi illoqarfiup ilaanut pilersaarutit piaarnerpaamik inaarutaasumik akuerisinnaassagai Ataatsimiititaliap naatsorsuutigaa, taamaalilluni suliaq kinguarsaqinnagu naammassineqarsinnaaqqullugu.

**Aningaasaqarnermut Ataatsimiititaliap aalajangiinera**

Naalakkersuisut      inassuteqaataat      Aningaasaqarnermut      Ataatsimiititaliamit  
**akuersissutigineqarput.**

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua